

04 JUL 1999

AGONG UCAP TAHNIAH KEPADA PRESIDEN VENEZUELA

KUALA LUMPUR, 4 Julai (Bernama) -- Yang di-Pertuan Agong Sultan Salahuddin Abdul Aziz Shah telah mengirim perutusan tahniah kepada Presiden Venezuela, Hugo Rafael Chavez Frias sempena Hari Kemerdekaan negara itu.

Dalam perutusannya Seri Paduka berharap republik itu terus menikmati keamanan, kemajuan dan kemakmuran.

Baginda juga berharap untuk bertemu Frias yang akan melawat Malaysia Oktober ini.

Dalam perutusan serupa kepada Frias, Perdana Menteri Datuk Seri Dr Mahathir Mohamad berkata lawatan Presiden Venezuela itu pasti akan mempererat lagi hubungan persahabatan dan kerjasama antara kerajaan dan rakyat kedua-dua negara.

Menteri Luar Datuk Seri Syed Hamid Albar dalam perutusan kepada rakan sejawatannya Jose Vicente Rangelto berkata beliau berharap dapat mewujudkan hubungan peribadi dan rasmi dengan beliau.

-- BERNAMA

AKT ZB MAI